



დარგობრივი ეკონომიკისა და
ეკონომიკური პოლიტიკის
კომიტეტი

4600, ქუთაისი,
ირაკლი აბაშიძის ბაზრ. 26

№ 9208

02 09 2014 წელი

საქართველოს პარლამენტის

საორგანიზაციო დეპარტამენტს

საქართველოს პარლამენტის რეგლამენტის 52-ე მუხლის შესაბამისად წარმოგიდგენთ საქართველოს პარლამენტის დარგობრივი ეკონომიკისა და ეკონომიკური პოლიტიკის კომიტეტის მიერ 2013 წლის საშემოდგომო და 2014 წლის საგაზაფხულო სესიების პერიოდში გაწეული საქმიანობის ანგარიშს.

ზურაბ ტყემალაძე

კომიტეტის თავმჯდომარე

საქართველოს პარლამენტის

დარგობრივი ეკონომიკისა და ეკონომიკური პოლიტიკის კომიტეტის მიერ 2013-2014 წლებში გაწეული საქმიანობის

ა ნ გ ა რ ი შ ი

საქართველოს პარლამენტის რეგლამენტის 52-ე მუხლის შესაბამისად წარმოგიდგენთ დარგობრივი ეკონომიკისა და ეკონომიკური პოლიტიკის კომიტეტის წლიურ ანგარიშს 2013-2014 წლებში გაწეული საქმიანობის შესახებ.

2013 წლის საშემოდგომო სესიის და 2014 წლის საგაზაფხულო სესიის პერიოდში კომიტეტი აქტიურად ახორციელებდა საქართველოს პარლამენტის რეგლამენტით მინიჭებულ ფუნქციებს. თავისი კომპეტენციის ფარგლებში უზრუნველყოფდა საკანონმდებლო საკითხების წინასწარ მომზადებას, განსახილველი საკითხების დარგობრივი მიმართულებებით სრულყოფისათვის სხვადასხვა უწყებების აქტიურ ჩართულობას, პარლამენტის გადაწყვეტილებათა შესრულების ხელის შეწყობას, მიღებული გადაწყვეტილებების აღსრულებისას წარმომადგენელი პრობლემების შესწავლა-ანალიზსა და მათი აღმოფხვრისათვის საჭირო აქტივობების დაგეგმვას, პარლამენტის წინაშე ანგარიშვალდებული ორგანოების და საქართველოს მთავრობის კონტროლს.

კომიტეტი ინტენსიურად იყო ჩართული საქართველოს პარლამენტის კანონშემოქმედებით საქმიანობაში. კომიტეტის მიერ მომზადებულ იქნა არაერთი კანონპროექტი, რომელიც მიმართული იყო ქვეყნის ეკონომიკური განვითარებისა და პოლიტიკური სტაბილურობისაკენ. კომიტეტის საქმიანობა შეეხო ისეთ უმნიშვნელოვანეს სფეროებს როგორებიცაა კავშირგაბმულობა, კონკურენცია, მშენებლობა, ენერგეტიკა, პროდუქტის უსაფრთხოება, ბიზნეს გარემო, სახელმწიფო შესყიდვები, სახელმწიფო ქონების და სასოფლო-სამეურნეო დანიშნულების მიწის მართვა და სხვა.

საგულისხმოა ასევე, კომიტეტის როლი პარლამენტის მიერ განსახილველი კანონპროექტების წინასწარ მომზადებასა და დამუშავებაში. კომიტეტის მიერ განხილულ იქნა 190 კანონის პროექტი, სადაც 76 კანონპროექტზე იყო წამყვანი, ხოლო 114 კანონპროექტზე მომზადებულ იქნა სავალდებულო დაკსენა.

კომიტეტის მიერ განხორციელდა საქართველოს პარლამენტში სარატიფიკაციოდ წარდგენილი 41 საერთაშორისო ხელშეკრულების შესწავლა საქართველოს კანონმდებლობასთან მათი შესაბამისობისა და შესაძლო სამართლებრივი შედეგების თვალსაზრისით.

კომიტეტმა განხორციელა მის საკურატორო სფეროში შემავალი კანონების მონიტორინგი, შეისწავლა ქვეყნის ახალ სოციალურ-ეკონომიკურ პოლიტიკასთან მათი შესაბამისობა და აღმასრულებელ ხელისუფლებასთან შეთანხმებით მოამზადა მთელი რიგი საკანონმდებლო ცვლილებები. უნდა აღინიშნოს, რომ გამოვლინდა მნიშვნელოვანი საკანონმდებლო ხარვეზები, წინააღმდეგობრივი ხასიათის ნორმები და ქვეყნის ეკონომიკური განვითარების შემაფერხებელი, უსაფრთხოებისა და სოციალური ფაქტორების უგულვებელმყოფელი ნორმები. მიუხედავად იმისა, რომ კომიტეტმა აღმოფხვა არაერთი აღნიშნული პრობლემა, მაინც რჩება სფეროები რომელთა მარეგულირებელი აქტები საჭიროებენ დახვეწას და უფრო მეტიც, ახალი საკანონმდებლო აქტების მიღებას. კომიტეტი აქტიურად გააგრძელებს აღნიშნულ საქმიანობას.

კომიტეტი აგრეთვე აკონტროლებდა მის საკურატორო სფეროში შემავალი სხვადასხვა უწყების ხელმძღვანელების ნორმატიული აქტების საქართველოს კანონმდებლობასთან შესაბამისობას.

საანგარიშო პერიოდში შედგა აქტიური თანამშრომლობა ბიზნეს სექტორის წარმომადგენლებთან, რომლებიც ინტენსიურად მომართავდნენ კომიტეტს წერილობით, მათ შორის კონკრეტული საკანონმდებლო ხარვეზების აღმოფხვრის მოთხოვნით. გაიმართა შეხვედრები, მოხდა მათი მოთხოვნების ანალიზი და მთავრობის წარმომადგენლების ჩართვა ამ პროცესში.

მნიშვნელოვანია ასევე მოქალაქეთა ჩართულობა კომიტეტის საქმიანობის პროცესში. კომიტეტში განხილულ იქნა 645 განცხადება, რომლებზეც კომიტეტმა უზრუნველყო შეძლებისდაგვარად დოული, კვალიფიციური და ეფექტური ფორმით რეაგირება.

კომიტეტი ასევე ინტენსიურად თანამშრომლობდა არასამთავრობო სექტორის წარმომადგენლებთან.

უნდა აღინიშნოს, რომ მოქალაქეთა, ბიზნეს სექტორის და არასამთავრობო ორგანიზაციების აქტიურობა მნიშვნელოვნად უწყობდა ხელს კომიტეტს

ნაყოფიერად განხორციელებინა მისთვის დაკისრებული ფუნქციები და ეფექტური გაეხადა მის ხელთ არსებული რესურსების გამოყენება საკანონმდებლო ბაზის დახვეწა-სრულყოფისათვის. კომიტეტი გეგმავს მათი ჩართულობის გაძლიერებას და გაღმავებას.

ზემოხსენებულს მოწმობს ის ფაქტიც, რომ კომიტეტმა განიხლია 8 საკანონმდებლო წინადადება, რომელთაგან 2 საკანონმდებლო წინადადება კომიტეტის მიერ მიღებულად ჩაითვალა.

კომიტეტი წარმატებულად იყენებს საქართველოს პარლამენტის რეგლამენტის 29-ე მუხლით განსაზღვრული სამუშაო ჯგუფების შექმნის პრაქტიკას. შექმნილია და ფუნქციონირებს სათამაშო ბიზნესის შესახებ პეტიციიდან გამომდინარე სამუშაო ჯგუფი და „სავტომობილო გზების შესახებ“ საქართველოს კანონით განსაზღვრული გზათსარგებლობის საფასურის საკითხზე მომუშავე სამუშაო ჯგუფი. კომიტეტის წარმომადგენლები აქტიურად არიან ჩართულნი სხვადასხვა უწყებებში შექმნილ სამუშაო ჯგუფებში.

მთელ რიგ აქტუალურ და საზოგადოებრივი დაინტერესების მქონე საკითხებზე ჩატარდა საკომიტეტო მოსმენები. განხილულ იქნა არაერთი მნიშვნელოვანი საკითხი.

კომიტეტის პრიორიტეტული მიმართულებები

კომიტეტის კანონშემოქმედებითი და საზედამხედველო ფუნქციების გათვალისწინებით, გამოიკვეთა შემდეგი პრიორიტეტული მიმართულებები:

- ანტიმონოპოლიური კანონმდებლობის სრულყოფა;
- დამოუკიდებელი ეროვნული მარეგულირებელი ორგანოების შესახებ კანონმდებლობის სრულყოფა, მათ შორის:
- დამოუკიდებელ მარეგულირებელ ორგანოებთან არსებული მომხმარებელთა უფლებების საზოგადოებრივი დამცველის ინსტიტუტის გაძლიერება;
- საივესტიციო საქმიანობის მარეგულირებელი კანონმდებლობის მოწესრიგება;
- ქართული სამეწარმეო სამართლის სრულყოფა;
- მცირე და საშუალო ბიზნესის მასტიმულირებელი რეგულაციის შემუშავება;
- სამშენებლო კოდექსის შემუშავება;